

Պաշտօնապէս թոյլ է տրուած Ռուսաստանում բաց անել ժողովարարութիւն Հռոմի ակտի օգտին: Այս ժողովարարութիւնը Պապի միջնորդութեամբ է եղած և պատճառաբանուած է Ս. Աթոռի նիւթական նեղ կացութեամբ:

ԲՈՂՈՔԱԿԱՆ ԵԿԵՂԵՅԻ

Անցեալ թուականի Նոյեմբ. 27-ին գումարուել է Վիոբա-դենի շրջանում Աւետարանական Ընկերութեան ընդհանուր ժողովը: Նաոսաու գրքութեան ընկերութիւններից առաւել ուշադրութեան արժանի է այս միութիւնը, որ 304 հոգի իտ-կական անդամ ունի և բազմաթիւ համակրողներ նոյն երկրի ամեն կողմում: Այս ընկերութիւնը առանձին համակրութիւն է վայելում իւր ընդարձակ և օգտակար գործունէութեան շնորհիւ: Մեր ընթերցողներին գաղափար տալու համար թուենք համառօտաբար նորա գործունէութեան ասպարէզները, քաղելով Ch. d. Ch. W. թերթից:

Ընկերութիւնն ունի ա) հետեւեալ դաստիարակչական հաս-տատութիւնները. փրկութեան տուն, տնտեսութեան դպրոց, դաստիարակչական տուն, փոքրիկ երեխաների դպրոց, որբա-նոց: Փրկութեան տներ կոչւում են քրիստոնէական այն դպրոց-ները, ուր դաստիարակւում են յատկապէս փոքրահասակ յան-ցաւորներն ու ընտանոթութեամբ փչացած կամ վատ հակում-ներ ցոյց տուող երեխաները: Տնտեսութեան դպրոցներում մա-տաղահաս օրիորդները վարժւում են տնային տնտեսութեան վերաբերեալ պարտաւորութիւնների մէջ:

(Բ Ասպնջանոցները Վիոբադենում տղամարդկանց և աղջկանց համար, քրիստոնէական հիւրանոցներ: Առաջին տեղակ ասպնջա-նոցները շինուած են գլխաւորապէս թափառական քանուորներէ համար: Փորձադուրի բանուորները անցնում են այս քաղաքից միւսը յարմար գործ գտնելու համար. այս ասպնջանոցները շինուած են նրանց ոչ միայն գիւրութիւն, ամենաչնչին վար-ձատրութեամբ քնելու տեղ և սնունդ տալու, այլ և բարոյա-պէս նրանց վերայ ազդելու նպատակով: Մինչդեռ պանդոկնե-րում նրանք արեւցութեամբ են զբաղւում, այստեղ քարոզ են լսում, հասարակաց աղօթքին մասնակցում և ոգելից խմիչքներ կամ չեն ոտանում կամ շատ չափաւոր քանակութեամբ: Փող չուենցողները մէկ կամ երկու օրով աշխատանք են ոտանում իրենց ծախսը հոգալու համար, իսկ ճանապարհ ընկնելիս յանձ-

նարարական են վերցնում հետևեալ իջևաններում ընդունուելու համար: Համարեա ձրի ասպնջականութիւնը և սրտացաւու բարեկամական վերաբերմունքը գրաւում է բանուորներից շատերին: Գերմանիայի բոլոր այգայիսի, քրիստոնէական ասպընջանոցները կապ ունին միմեանց հետ և մի մեծ միութիւն են կազմում:

Աղջկանց ասպնջանոցները նոյն նպատակին են ծառայում կին բանուորների կամ աղախինների համար: Բացի այս ասպնջանոցներից ընկերութիւնն ունի Վիոբադէնում «Հայրենիք» անունով մի հաստատութիւն այն օրիորդների և աղջիկների համար, որոնք քաղաք են գալիս պաշտօն գնելու: Անմեղ աղջիկներին փողոցի գայթակղութիւններից ազատելու համար այդ հաստատութիւնն ընդունում և պատասպարում է նրանց, մինչև գործ գտնելը: Հաստատութեան պաշտօնեաները կայարաններում սպասում են և նորեկներին հրաւիրում իրենց ժօռ: Այս հաստատութիւնները ունին ընթերցարաններ, գրադարաններ, ունին իրանց պարի և զուարճութեան դահլիճը, ուր որոշ ժամանակ միասին զուարճանող կարող են. այս բոլորի նպատակն է մատաղահաս աղջիկներին ազատ պահել գայթակղութիւններից:

Գ) Ընկերութեան տներ և ժողովրդաններ, ուր գասախօսութիւններ, կրօնական նուագահանդէսներ և ամեն տեսակ քրիստոնէական կամ եկեղեցական ժողովներ են լինում: Ընկերութիւնն ունի և ոգորմած քոյրերի կամ ոարկաւագուհիների մի հաստատութիւն, ուր ցանկացողները կրթւում են հիւանդապահութեան պաշտօնի համար՝ համայնքներում կամ հիւանդանոցներում ծառայելու նպատակով:

Դ) Ընկերութիւնն ունի իւր թերթերը, «Ոգորմած Սամարացի», «Աւետարանական կիրակնօրեայ թերթ» 1854 թուից, շրջիկ գրավաճառների ընկերութիւն 1864 թուից, Հրատարակչական ընկերութիւն 900—1000 անդամով, տպել է իւր գոյութեան օրից 462000 օրինակ գիրք:

Ե) Կանանց ընկերութիւն, որոնք աշխատող և բանուոր դասակարգի հիւանդներին ղիւրութիւններ են տալիս իրենց հաստատութեան մէջ կադգուրուելու:

Կայսրը գնահատելով ընկերութեան ծառայութիւնները իւր տրամագրութեան տակ եղած պահեստի դամարներից 30000 մարկ նուէր է տուել այս միութեան: